





第二〇〇册

四庫全書

●上海古籍出版社

本冊目次

秋
潤

集(一)

元王惲撰……………一

欽定四庫全書

集部
秋澗集卷一至四

靜校官侍讀學士臣沈威熙

侍讀臣孫球覆勘

總校官降胡錫修臣倉聖脉

校對官助教臣汪錫魁

膳錄監生臣朱鎮

欽定四庫全書

集部五

秋澗集

別集類四元

提要

臣等謹案秋澗集一百卷元王惲撰惲字仲謀汝縣人世祖時官翰林學士承旨事跡具元史本傳惲文章自謂學於元好問故其波瀾意度皆不失前人矩矱詩篇筆力堅渾亦能嗣響遺山史稱惲有材幹集中闕係政治

欽定四庫全書

秋澗集

諸作尤為疏達詳明瞭如指掌其集凡詩文七十七卷又承華事略二卷乃裕宗在東宮時所撰以進者裕宗甚喜其言今諸皇孫傳觀焉中堂事紀三卷載中統元年九月在燕京隨中書省官赴開平議事至明年九月復回燕京之事於時政綴錄極詳可補史闕烏臺筆補十卷乃為監察御史時所輯御史臺故事玉堂嘉話八卷則至元戊子所作乃追

記在翰林日所聞見者凡文章得失典制沿革皆彙而錄之甚稱精核所謂遼金不當為載記之說尤為平允後托克托等以宋遼金三史並修實本其說其明於史法亦非楊維禎諸人固執偏見所及也乾隆四十六年十月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

史部

二

欽定四庫全書

秋間集卷一

頌

元王惲撰

中統神武頌_{并序}

維二年春王正月逆璽特負天恩扞我大刑哀矜株

頑嘯先東土於是命將致討天戈一麾不五月而克

清大慈益蓋皇帝陛下宣奉天心布昭神武睿智足臨

欽定四庫全書

秋間集

一

有征無戰故也昔肅宗中興唐室而元結獻頌用歌
大紫垂示無極臣惲忝屬太史親觀盛事頌聲不作
咎將曷歸敢綴緝所聞謹撰中統神武頌一首凡千
有一百二十四字雖辭理未應庶幾神武仁聖之德
鏗鉤炳耀播宣金石振一代之徽烈也萬冀徽誠仰
蒙天聽臣惲惶懼昧死拜手稽首而獻頌曰

皇帝踐阼粵維三年萬靈清蹕迺狩于燕曰寒而寒曰
燠而燠百度修明朝廷清肅東戴海表西亘庸濮恣臣

欽定四庫全書

魏書

悉貢罔不率服時雖逆理禍心久纏再世鴟張顓狂擅權奄殿金齊屬陷泗漣者鹽涸海剗銅夷山地夥物衆孽芽其間惜時奸囂海波可田背脅疽根起而自觀時儼邊功外示忠悖警我宋急騎通甘泉帝以德御聽之誠然再命不庭穢彰溥天浪駭鯨奔擬騰百川投袂東來盜我西偏天意有在聚而殲旃皇帝神武不震不愆燎我神鼎烹此小鮮命將興師策出萬全方叔召虎爪牙利宣爰命宗王相臣是丞顓彼封拜虎符發兵赫赫欽定四庫全書

欽定四庫全書

魏書

深溝俟其自斃日蹙賊營雲頽灰氣賊勢既窘魄心悸鼠振其牙獸奔厥角斧偃螳潛鋒推蜩縮七月壬戌環陴內江賊伺我隙悉甲來攻萬安幸脫窺我梯衝相史相趨出奇無窮既敗而壁衆猶嘯凶迨其笑面有星蓬蓬驕若矢石妖聲墮空因之出降羣兇率同彼狡狂卒不知所圖銜翼鼠竄自投于湖宛轉不灰可知其愚童子執戈縛之以趨比梟逆首磔裂其軀并取同惡羣孽就誅林林部曲面縛俟父皇帝曰噫朕赤子若蠢何知一從先旨解甲投戈縱歸田里東際海隅西逾膠濟殺氣一空歡聲四起既定厯城東趣廣固比傳城下降幡內豎凡厥士女無或畏懼取彼逆屬取其府庫市肆農耕按堵如故累纍婦妾婉婉弱齡三木囊頭來獻闕庭既令市朝咸即厥刑盡頌所獲大將旅綢載騶呼各歸禁伍勞我元臣其安爾所視我民政袞闕則補肆赦東方皇恩斯溥錄我陣歿卹我孤苦徭徭惟新各安爾土皇帝曰噫額額厯城橫燎允熈干戈所歷復其

欽定四庫全書

秋鴻集

四

祖欽惠賜穀帛拯其昏墊陰伏陽開乾坤莫海低重
清一出聖業奄奄北風嚮而遠寬威愴靈輿東夷來獻
蓋代稱觴萬口交慶再拜稽首皇帝神聖天錫勇智萬
邦以正億萬斯年受天明命皇帝孝友敦序九族有爵
有土煌煌車服終歲燕賜克諧克睦帶礪山河與天齊
福皇帝睿哲別白忠直天資虎臣左輔右弼孰敢予侮
為天立極皇帝聖慈約法好生奚取八辟三章更輕大
獄之起寧失不經如璫之誅萬死何容罪止一族餘無
欽定四庫全書

欽定四庫全書

秋鴻集

五

英持盈之德守成之能保我玉祚萬福是膺壽等南山
不騫不崩小臣眷眷職司述稱屬辭比事獻芹之誠親
親盛事拭目太平洋嘿無言咎將孰勝冒昧狂斐觸犯
雷霆敢撫輿議用垂頌聲

賦

蛾眉硯賦 并序

余家所役二硯研磨有年殆與瓦礫不異書生作計
朝夕筆研間所用若是欲善其事而不能也宜矣乙
卯春偶得是硯於販夫之手質名于譜蓋歛石蛾眉
之種也噫豈天誘愚衷將為文字之祥邪抑亦有數
自王氏而發潛德之光耶遂筆而賦焉其辭曰

嘿齋主人行年廿有九日從事于翰墨將遊心于道園
家畜二硯形模老醜研磨歲深埃塵互生歎材石之其
遇偶見授于野史發此秘藏殆天所誘歸予之月卯插
其斗從吾囊之羞溫喜溪光之照牖其質圓以古其色
絳而黝鬼擲瀉壁鏡蝕秦紐太初之面目已露元氣之

胚胎未剖涵王德之餘潤鑑金聲于一扣其聞人多矣
幾墨翻於醉袖也肌理細膩豐而不鄙顧溪痕之隱然
旋摩挲而無有雪浪翻江映日光走其瑩滑溫純之德
誠硯中之瓊玖也若夫蒼文上橫眉嫵初就濃抹遠山
濯如春柳其橫雲却月之狀又似開乎成都之畫手質
名于譜錄歛石蛾眉之右也子想夫龍山之英歛溪之
瀏醞醞幾年種此奇秀信神物之有歸不圖為嘿齋座
中之友也當其書幌盡明筆耕而耨一噓泫然雲蒸霧
欽定四庫全書

秋湖集

六

湊試墨花於春融覺松風之瀉竇縱未濯薔薇之春露
聽此亦足以醒張顛之宿酒也相期百年以介爾壽硯
兮硯兮汝名雖異儻浮于寔兮終有愧于屋漏故東坡
有云澁不拒筆滑不褪墨茲乃硯之佳焉又何必鶚其
目而鳳其味也耶

茹野菊賦

并序

丙寅春三月予以司明告病避忌食物無可供嚼噉
者家人輩采菊芽為蔬考之園經味甘平療風熱于

頭目極順適也遂筆而賦之其辭曰

塞予投劾而來歸兮守先人之故廬日開闢而却掃兮
殆幽潛之不殊視外物其散屣兮將游心於聖書何庖
厨之遠戒兮幾釜中之生魚嗟肉食其無相兮喜盤蔬
之有餘潔我晨羞出於不虞擁紫米前露香滿梧童子
啜然而告予曰茲野菊之方苗適采擷于林墟考之圖
經食有益于頭顱也若夫春芽翠茁芳莖碧腴湯沃若
畫鼎調氣濡甘湧舌本味欺園蔬拉晚松以為友役春
蒲而作奴貯空腹而不厭恐落英之不如彼寒花之可
愛寄高情于一壺縱傲睨乎秋霜踰佳晨而日踈此方
鵬藉春陽中折而敷收微生於全體供野人之所需吾
乃滌芳馨而三嘯覺眼花之掃除其氣平爽其樂舒徐
宜一杯之野馥等悅人之卷芳雖草木之詎口亦因茲
而起予世有啖糖藪而瓠肥厭梁肉而黑癭豈非適於
口而心苦濡以膏而體劬吾知甘菲薄以自樂能充悅
其體膚既而隱几冥坐心明志虛佳境憺然恍與夢俱

欽定四庫全書

秋湖集

七

以神為馬以尻為舁既發軔于蕩潭或珥節于山隅訪
淵明於栗里尋天台之隱居然後鼓東南之歸棹追散
人於江湖覺而賦之猶足以續離騷而弔三閭也

未央瓦硯賦

贈於南李
練師和甫

斗直寅日維圓相相蝶化夢入靈園覺而扣門有來玄
史授我天硯形圓色黝鬼擲瀟璧鏡蝕秦紐大章鬱律
蛟螭走以長樂無極而言乃漢殿燼餘之瓦首也當
其炎運天開禹卑秦陋未央屹建長樂玉構體紫極之

欽定四庫全書

秋淵集
卷一

圓方壯神麗於九有俾子孫無復加于後也若夫萬壘
雲浮跨凌天宇鱗影參差翳背掀舉瓊綴蒼牙香園桂
樹倒景激日馭之光流潤泥金莖之露聳萬國之衣冠
陰千秋之歌舞礪太華而帶河渭謂斯瓦之貞固天落
妖華一掃而去吐爾微質歸復其土何千歲而不化偶
野人之與遇今歸乎我又係厥數摩挲漢月碧花燦吐
似喜余之主也試玄蛟兮海運瀉松風于聽戶滑不墨
褪溢不筆拒然復其天則御陽周宣王
官名之耳孫較其古

乃銅雀之鼻祖彼鵲其眼而羅其紋味則鳳而形則
用或闕 奚足取是不若茲瓦之闕 而闕

屋廡生聚併幪霜雪皎虧風雨是則用
得其所付大任于汝也豈其槩几呈材辭客與伍虞雖
失宜其功尚溥銀我鉅鋒藉汝涵渥乞英靈於班馬鑑
興亡于今古大書特書猶足以旌朱游而削張禹也道
士顧笑吾子其為我賦之

三峰晴雪賦

并序

欽定四庫全書

秋淵集
卷一

乙亥歲冬十一月余以守吏將事自蒲抵華倉皇得
命于塵坭間望三峰晴雪煥爛高潔臨不可尚已顧
而自憐豈勝漸職適與左山商公遇于祠南柏行間
歸作是賦以寄其詞曰

華於衆嶽峻極莫之京兮三峰絕觀松雪益其清兮倒
景旁射銀闕爛崢嶸兮仙掌翻空灝漭下青冥兮立玉
井蓮芳仙遊擁霓旌兮巨靈變現崆峒丘之瓊兮金天
移仗敞瑤華之宮兮冷颼吹而不滅海月照還空兮軒

豁呈露何物外之雄兮又如螭蟠之老子與希夷之鉅
公朗出天表飲太泉而遊封中兮安得杖仙人之九節
登神丘之崇兮問真源于白帝追二公之踪兮胡一行
而作史搶塵土之容兮對清都而不克往世故驅以東
兮掉塵鞅而北驚刺梗滿吾胸兮望岳神而三歎歸夢
挂岩松兮縱靈移之罔誚獨不愧于躬兮歸而賦之吾
言固誇猶足以為執熱者之清風也

熙春阮賦 并序

欽定四庫全書

秋詞卷

十

玄暉上人得隆德故閤餘材斷而為阮因以熙春日
之亦大殊之義也至元戊寅春同甯尹端甫劉御史
叔謙趙太博彥伯坐心遠軒師為鼓綠水悲風二曲
清越悲壯坐客感歎興亡有愴然于懷者師請予賦
之其辭曰

天新雨風日妍心與閒會境趣靜便拉曠懷之逸士過
雪菴之老禪欹袂危坐添爐注箋於是出桂阮調素絃
挂朧月而當抱撫筠柱之橫駢師曰茲熙春之斷餘偶

絲之而清圓者也遂鼓一再行清越悲壯如泉咽水底
風行樾間偷偷兮欲斷而復作淙淙兮似漱而還潏鏗
爾撻銅丸之韻淒兮聆高樹之蟬又如游士騁說鈞歌
去燕何辭氣之從橫激太清而沈羽淵客乃呀然而驚
慘然而悲信乎物之感人有不期然而然者想老微之
般樂盡侈魄以無前厭華陽之湫隘敞樓居而致仙海
麓首并金鵬翼鸞鸞鼎蓮之香露鎖月殿之嬋娟陰千
秋之歌舞壽艮岳而不寤俄龍移而鼎去繼金亡而閤
遷殆露槃之聲折悵秋風而涕潛興廢一瞬兩朝百年
委繁華於野草鎖莽苑之荒煙咄此木之何辜遇幽人
之達觀納須彌于芥子寓餘哀于一彈猶足以舞魚龍
于海曲洗亡國之愁顏也嗚呼噫嘻向之使人凜而悲
者物詎能動于人哉人之哀樂妄為物之所牽不知太
虛寥廓既寂而玄唯此理之嘿識何繁華廢興之足歎
師曰子其為我賦之吾欲秋月當戶松風滿軒寫仲容
之別操合清商而洞宣使雲陰蔽空古鶴下蹀走商延

欽定四庫全書

秋詞卷

十一

於濮上掩新聲於師涓也

弔薦將軍墓賦 并序

三代而下功利之說興人臣擅時功能鮮以禮讓為國者觀顏拔勲內忿怛居人下加諸彼不淺乎相如引車避嫌有犯無校蓋出天稟粹然處之為非艱至顯聞先急一言遂能握髮數罪受責門庭在將臣為寔難若將軍者可謂不逮而復得無祇悔之義哉遂摘文以弔辭曰

欽定四庫全書

賦類集卷一

七

涉滄茫而北驚兮過常山之故城何高丘之寔兀兮鬱紉氣之崢嶸野人指而告予曰此薦將軍之封陵也人與骨而塵朽兮義於榮乎日星遂陳辭而弔古兮命僕夫以停征嗚呼休哉昔伯禹之所以聖兮始不伐而不矜秦誓之所以經兮善悔過而膏盟觀戰國之多士兮依穉猶三代之英惟功利之時尚兮天理有時而蔽明能不逮而復初兮其惟趙之薦卿方國都之中立兮竄內附而兵精願分閭而東鉞兮騰茂實而蜚英聲梁從

隨而楚誓兮燕弭伏而齊并時有以卜將軍之意氣兮

殆雷動而滿盈遂相臣之出右兮何發言之盈庭幾肉

餒而食甘兮奮兩虎之必爭及矚先急之一言兮輒弭

耳而服膺復頓顙而悔過兮折節負贖罪之刑在引車

而不必多兮將臣及此所以為古今之難能也逮漢起

而帝稱兮禮飲至而策勲何諸將之失度兮至擊柱而

紛紜安得將軍從容為一言兮解服贈屠狗之禁彼臣

濬之冒室兮加充渾之貪蒙說兵平於帝前兮互貪天

欽定四庫全書

賦類集卷一

七

而為已功安得將軍滌易其稿薄兮俾無成而有終嗟鄂國之列公兮挾勲勞而凌帝宗縱私忿而無忌兮一墮大臣子之恭安得將軍北面而同列兮以中和之氣銷悍戾于未然之胸也雖哀之而不能鑒兮文空言其采庸賢慨慕其耿光兮日三省乎微躬嗚呼伯夷之隘兮據乎穆公之容希前賢而同升兮負驪尾而竭忠雖斷斷而無他兮庶幾康康德讓君子之風衡山煙而暮去撫鳴劍兮增雄

登常山故城賦

我登常山心慨歎兮斷城連絡蛇陳統兮憶當全盛兩
漢間兮萬井歌吹魚龍淵兮推理劍擊習俗然兮光沈
響絕夫何言兮有懷古人秉心延兮交如餘耳始足賢
兮烈如顏表抗偽燕兮垂光竹帛星日懸兮壯哉子龍
屋而祀兮膽氣滿軀勇夫志兮賊瞞臣漢得所事兮天
理在人一符契兮千載仰止初無異兮諒彼有立忠與
義兮

欽定四庫全書

魏都集
卷一

鶴媒賦 并序

中統二年予在上都掌記中堂客有負青障挾長
二鶴馴于後以康繼來請問其後曰以鶴取鹿者也
嗚呼鶴善類也喙雖長不鈎銛以噬爪雖巨無所指
以攫而於鹿伏客有岐害其如人之不仁何至元壬
午偶與禮部王兄子晃因話及此慨然有感曰今人
以智計相傾內險外易者何殊於鶴之取鹿也作鶴
媒賦其辭曰

萬物者元氣之滋氣之靈者莫人若也既役物而君之

其忌以盜作智而為得計乎如桂麋草間圖鶴絮地皆
紙求蜂葉城網維盜物矜雄此何足異以智獵愚理固
宜能用愚戕愚斯則不仁之極也鶴本善類與物無忤
飛翔寥廓仙游之驥教之羽舞已達元性詐以標鹿遂
戕彼命是則鶴之善人則用而險之返有過於機穽也
鶴了不知鹿終弗悟歲供庖廚皆鶴之故何殊人心內
險外易以詐假仁顯比陰忌將取彼有則必姑與彼昏
不知日狎而伍一落其機投足無所誠何異以鶴而媒
取也吾然後知物之顯暴者既得預而防之愚而深中
者尤不可玩而侮也示我同志筆而賦之

元稹賦

并序致康
開府體

至元十七年二月己卯清明日陪經畧助祭丞相忠
武公墓適嗣侯平章稽自靜江籠致是疎以獻西溪
王通議命余賦之以紀奇觀其辭曰
寶符之野潯沱滄人初樂歲華新岷山正有墮淚感

欽定四庫全書

魏都集
卷一

五

走馬遠出西州門映堂堦之碧草陪開府之嚴裡觀萬物之來享究有勝于攸聞緊爾孫之黑質尚其性之能馴素面掌許玄裳若練尻不識尾臂長于身一動一靜既恒且仁潤飲岩棲有爨有倫木方華而不折葉親熟而呼分思金生于物表時隱見於冬春三峽秋月九嶷暮雲雪嘯煙啼子從母奔動射者傷弓之慘驚山人應聘之輪哀楓林之逐客助永夜之露中具或隱挂虛壁幽尋窮冥避羣孫之喧躁悟善惡之難并去王孫而夏欽定四庫全書

蟠木山賦

丁亥之冬夜氣清淑夢遊石林萬玉嵒嵒明日與客步入李史史字希則之塾煒爐却寒有蟠者木輪囷離奇大屬

吾目負之與歸而為秋潤坐中之物具為狀也左抱右擁或臺或壑蹄肢交峙口鼻互呀於是扶洞穴振泥沙分嶺嶂翦杈枒者竅突者去朽剔蠹磨光出華丹丘赤城凌空散霞不知沈狀於地中者幾年一旦聽吾啄之橫誇若乃峰頂改色湧雲倒懸岩崕層出峽門洞穿刺畫璞母與施并妍其磊落盤錯自一成而有足觀也吐此怪供強名曰山然為幸也蓋有大于是焉不腐而為朽壞不化而為飛煙收槁梧于囊下遇中郎而獲欽定四庫全書

不然造物者憐其不材辭翦伐而終天年其將與憚周旋孰得惡而舍旃客曰汝言雖夸以山木而較之似不膠于一偏子其為我賦之若足以折詭辯於莊叟發新意于老泉也

欽定四庫全書

秋澗集

六

秋澗集卷一

欽定四庫全書

秋澗集卷二

元 王惲 撰

五言古詩

四言同亦附見

拜奠魯文憲王廟二十八韻

丕承固云烈嗣王幼而冲嬉戲翦桐事安知多難衝公乎居斯時岌岌遵渚鴻外誇流四國內疑叢一躬負宸令百辟天心昭懿忠想當假寐際寅亮天地工陳詰開治源莫遠營洛宮南服靜海波東征殄元凶吐握下白屋憲章天淵衷罄單一德聖思薰三王功及夫就臣位畏者何匍匐制作方萬古世道仍汙隆至今豐鎬間漂有三代風饗以宮懸樂報之不為豐宜父稱大哲寤寐雲從龍垂老無復夢慨焉吾道窮丹青見遺像鵠鶴日在空臣子知所止仰之餘敬恭悠悠蒼姬下輔相業不同論思機務地典調簿書叢其世務恭經權有違從願惟大臣體一節貴始終伊公狼狽間不失體與容凡

秋澗集

几兩赤烏儼立如岱宗我嘗集衆美一言獻其中至公
絕貪私廓與天人通作詩庶補衆九章一華蟲精誠有
來格寒雲動龜家

拜真宮聖林墓

庭訓墮渺茫師授悖嚴誠夫子不惑年行已得夷隘今
歲客東魯倡為神所介駕言逐秋風得展闕里拜遙遙
魯甸餘汶水走湍瀨憑弑望雲林鬱鬱佳氣輟齊莊趨
兩楹奠獻成孤酌歸然三聖封仰止高秦岱恨生千年

欽定四庫全書

秋潤集
卷二

三

後今夕備掃洒披雲觀天日太極開一畫彼蒼詎能言
諄諄聖為代三綱與九法範圍無內外君臣以之定乾
坤以之泰東周不可為述作萬世賴藐聆徇鐸音元化
雷雨解設想燕居容金聲鏘玉佩當時七十子授受儼
如待鳳兮鳴幾時諸子沸秋籟一朱亂紅紫百穀後稷
稗愚者甘下逮誕者樂語怪韞藏寶康瓠棄清廟薦
明倫得不泯而有六經在天高孰可階一氣包厚載茲
道固難言嘿契心有會胸中九雲夢吞納失蒂芥循循

善誘辭師也書之帶緬懷伯禽業郁郁文獻最三桓張
公室霸功熾而休一奢去無復荒陵餘石擗煌煌天乙
孫膚敏早冠帶德博慶自修道大世能邁金尼貫元精
泗波來遠派汪濊一聖海不隨梁木壞歸侍金縢堂攝
齊聞謦欬恍如到帝所鈞天廣樂備洗我兩耳聰肉味
忘一嚼詠歸寫遺音風雅雙廊邨一簞老東家吾知其
樂大遲遲不忍去寒日下蒼櫓

陪總管陳公肇祀商少師比干廟

欽定四庫全書

秋潤集
卷二

三

元化形萬彙浩浩無時無云何忠貞氣大昇先生軀念
昔有殷季天步移獨夫淫醜蕩祀典下民為毒痛所崇
盡奸回啟邇箕子奴師保乃云爾餘敢編其鬚炎炎鹿
臺火已兆明珠襦先生豈不知蔓草不可圖顧親叔父
尊以位仍三孤強諫誠我任剖心不為疥自靖暨殺身
要之宗社扶所以宣父筆三仁同一述繫公存亡間所
係重有殊堂堂柱天手能繫火德烏當時戡黎兵所侵
良及膚周雖彼蒼蒼加翼十亂謨令其諫少行終鄙西

人居稱師止觀政安取商郊車一朝嘆云亡宗國隨之
墟丹誠皎白日餘烈光八區辛爾來代臣大節知所趨
嗚呼介士嘆萬萬狂童且今來二千載殷周兩榛蕪巍
然一丘土高與西山俱清霜九月節肇祀陪千旗肅拜
列階下精爽動佩服裾世道有淪喪一忠千萬設商歌振
林樾日下悲風徂

擬韓子秋懷十一首

出郭行時稼秋風正蕤蕤臨川閑逝波浩浩去不已富
欽定四庫全書

秋懷集
卷二

四

貴來幾時及此行樂耳祀酒對西山坐看秋雲起天矯
化龍蛇異狀紛莫似世態初不殊儻來安可恃我懷拔
俗標于霄仰逕軌酒酣歌鳴嗚振衣私自喜

秋風拂庭柯物意自含悻松柏抱貞心表表歲寒地長
年豈致養易衰匪自恣浩浩一氣中所稟蓋殊異人尤
物之靈要以天爵貴

天運健不息君子戒靡曼讀書下梗塞飢餓充藿飯造
道苦不深紛華非所願秋風動黃鶴千里奚足歎風濤

北溟鯢變化搏九萬大邦易為仁郁郁文獻半出處貴
有時莫遣夜鶴怨

攬衣起秋早露氣清淩淩偶書秋懷篇快筆成蒼蠅吾
言固不佞未免人屢憎聖域有坦途學步高山陵尋源
有靈槎臨池弄鮒嘗我生恐不偶郵事從多能

虛室生夜白清露發鶴聲空庭海月上愛此良夕永今
年苦煩歎似值奇政猛盼盼秋風來汲深持短綆庭菊
被焚燎脫禍乃差幸朝來有佳色一笑倚軒屏

欽定四庫全書

秋懷集
卷二

五

露叢低寒花促織泣蒼蒼景呼兒曝羣書赴此秋日炯
帶享千金利途競纖梗二者昧所思厥病失坐騁既悟
前日非敢事子淵請

長夜苦漫漫長空星斗暗商歌南山翁遺佚有餘憾祇
知享高明曾何恤鬼瞰而我獨於世滋味嚼蠟淡畏速
足風波洶洶洪水濫濯足尚云可浣纓豈宜暫此身矧
虛舟敢不慎簡纜天心幸私我書史日與勘庶還浩浩
天禾害家儲甌